

一
是
紀
始



一
卷
紀
略



壹是紀始神祀類卷十三

荆南新化祝亭魏崧著

吉禮始於神農

禮記正義古史考云郊特牲伊耆氏始爲蜡伊耆神農也則祭祀吉禮起於炎帝

嘉禮始於伏羲

禮記外傳嘉禮者好合之事起自伏羲以儷皮爲禮始制嫁娶世本伏羲制儷皮嫁娶之禮又伏羲之時易道旣彰禮事彌著皇氏云禮理起於太一禮事起於遂皇禮名起於黃帝

禮記集說卷十三
賓禮軍禮凶禮始於黃帝

史記黃帝戰於涿鹿則有軍禮論語撰考軒轅知地利九牧
倡教是賓禮也繫辭黃帝九事易之以棺槨則有凶禮自伏
義至皇帝吉凶軍賓嘉五禮始備

祭祀始於神農

呂氏春秋神農有天下時祀盡敬而不祈福注四時祭祀也
史本紀神農作蜡祭

祀天地始於女媧

外紀女媧用五十絃之瑟於澤邱以祭天佑神聽之極悲乃

改爲二十五絃祭法注禘謂冬至祭天於圜邱謂建寅之月祭感生之帝於南郊漢五帝紀注雲陽甘泉黃帝以來祭天圜邱處

祭山川始於黃帝

史黃帝紀制萬國而鬼神山川封禪與爲多焉通典黃帝祭於山川漢志申公曰黃帝萬諸侯而神靈之封君七千注山川之守也尊山川之神令主祭祀

祭風伯雨師始於周

周禮大宗伯祭風伯雨師會要唐天寶四載敕風伯雨師濟

時育物謂之小祝頗紊彝倫自今以後宜昇中祀令諸郡各置一壇置風伯壇於社稷之東雨師壇於西

祭日月星辰始於黃帝

拾遺記黃帝築圓邱以祀朝日飾瑤階以揖夜光家語高辛歷日月之生朔而迎送之堯春分朝日秋分夕月

祭祖廟五祀始於黃帝

管子五行篇黃帝立五行以正天時庚子金行御注命祝宗薦祖廟五祀左右司馬組甲厲兵

耕藉祠先農始於周

樂記耕藉然後諸侯知所以敬注藉田也周禮王以孟春耕
帝藉郊特牲主先嗇而祭司嗇注先嗇神農司嗇上古后稷
之官時但於歲十二月祭之漢禮儀志正月始耕晝漏上水
初納執事告祠先農已享耕時有司請行事就耕位天子三
公九卿諸侯百官以次耕力田種各耰訖有司告事畢是月
令曰郡國守相皆勸民始耕如儀漢耕日以太牢祭先農於
田所漢舊儀曰官祠先農卽神農炎帝也至唐以后稷配東
京賦注藉田在國之辰地劉宋時何承天撰定儀注立先農
壇於辰地中阡西陌南御耕壇於中阡東陌北

禮記集說卷一百一十三
三
祀先蠶始於周

月令薦鞠衣於先帝注爲蠶求福先帝大昊之屬頌絲衣詩
祠先蠶也後漢禮儀志三月皇后帥公卿諸侯夫人祠先蠶
禮以少牢晉有先蠶壇皇后躬桑採三條諸妃公主五條縣
鄉君以下九條

祭歷代帝王始於唐虞

尚書徧於羣臣注謂帝王墳墓古之聖賢皆祭之

廟始於黃帝

黃帝本紀帝昇天羣臣思無已乃取几杖立廟

廟號始於唐堯

舜格於文祖歸格於藝祖廟號也漢若武若宣唐若睿若元皆廟號後遂遵爲定制

稱祖稱宗始於漢

虞書格於文祖歸格於藝祖受命於神宗商湯稱烈祖太甲稱太宗又有高宗中宗皆未以爲廟號也至漢則高祖稱祖景帝尊文帝爲太宗宣帝尊武帝爲世宗東漢明帝尊光武爲世祖章帝尊明帝爲顯宗沿及李唐自始基之君太祖下莫不稱宗

朝兩祖始於明三祖始於魏

漢高祖世祖一基業一中興明則洪武號太祖永樂廟號太
宗至嘉靖尊太宗曰成祖並太祖爲二祖至於元有大祖世
祖以太祖肇基沙漠世祖始混一區夏也曹魏三代稱祖武
帝稱太祖文帝稱高祖明帝稱烈祖晉亦三代稱祖懿追稱
高祖昭追稱太祖武帝稱世祖

宗祠始於明

宋仍唐制士大夫非三品以上有封爵謚號者不得立家廟
而家廟之立亦不得上及遠祖明制自一品至九品皆得立

廟以祀其高曾祖禰庶士庶人得立始遷祖祠歲時祭享以
惇宗睦族

家廟稱祠堂始於戰國

王逸序天問云屈原見楚先王之廟及公卿祠堂畫天地山
川神靈奇詭之狀因書壁而呵問之

生祠始於周

莊子庚桑子所居人皆尸祝之史記樂布爲燕相燕齊之間
皆爲立社號曰樂公社石慶爲齊相齊人爲立石相祠漢于
定國傳父子公爲縣獄吏郡中爲之立生祠號曰于公祠

卷十三
五
奉先廟始於唐

冊府元龜獨孤晏奏唐元宗於別殿安置太宗高宗肅宗御
容每日清早具服朝謁

感生廟始於唐

唐興本五德生勝之說以爲王者之興必感五行之一故曰
感生唐以木德王屬青帝故本鄭元六天之說以威靈仰爲
感生帝之號祀於南郊以祈穀嗣是宋以火德王感生祀亦
帝

尊諡孔子始於漢

漢高祖十二年帝過魯以太牢祀孔子時尚未尊以謚平帝
追謚孔子爲懷成侯宣尼公至唐謚爲文宣王先是祀先聖
先師周公南向孔子東向制自今孔子南向坐被王者服釋
奠用宮懸追贈弟子皆爲公侯伯前此孔子弟子惟列像別
堂不預饗祀至是因李元瓘言始得列享於左邱明二十二
人之上

廟祀孔子始於蕭梁

梁武帝天監四年六月初立孔子廟漢以前雖以聖師禮周
公孔子未有廟也拓跋氏修孔子祠亦未立廟

禮記集說卷之十三
配享始於魏

通典魏齊王芳正始二年講論語使太常釋奠以太牢祀孔子於辟雍以顏回配享會觀二十一年詔以左邱明二十二人並令配享孔子廟堂宋神宗熙寧中又以孟子配

置下馬碑始於金

金章宗明昌二年孔子廟門置下馬碑

衍聖公始於宋

宋仁宗至和二年春三月改封孔子後文宣公世愿爲衍聖公從太常博士祖無擇言祖謚不可加後嗣乞更定號請也

至拜孔顏氏官則始於元魏北史魏太和十九年魏主如魯城親祀孔子拜孔氏四人顏氏二人官

聖像用木牌始於明

自梁天監立廟以後歷代加稱尊號有像至明嘉靖初大學士張璁去其像用木牌止稱曰先師至聖諱之避始於金明昌中詔令周公孔子名俱令迴避又詔進士犯孔子名者避之著爲令

聖廟春秋二祭用太牢始於元

元武宗至大二年定大成至聖文宣王春秋二祭釋奠用太

牢漢高祖用太牢祀祇在闕里時天下亦未立孔子廟
武廟始於唐

唐元宗開元二十年置太公廟令兩京諸州皆置以張良孫
武配享選古名將穰苴等以備十哲以二八月上戊致祭如
孔子禮肅宗追贈太公爲武成王明萬歷四十二年始以關
帝爲武廟

關帝受封始於宋

宋徽宗封關帝爲忠惠公明萬歷二十二年因道士張通元
之請進爵爲帝四十二年始崇爲武廟

桓侯受封始於宋

宋高宗紹興初始封忠顯王時張魏公宣撫蜀中有死卒更
生傳神語欲助順未幾金婁室元朮連犯漢中皆敗去張承
制追封焉元順帝封武義忠顯英烈靈惠助順王

文昌神始於晉

續通考劍州梓潼神張亞子戰沒人爲立廟唐元宗西狩追
封左丞僖宗入蜀封順濟王咸平中王均作亂神示以滅賊
日期招安使雷有終以聞改封英顯王元時加封爲文昌帝
君明景泰五年敕賜文昌宮歲以二月三日生辰遣祭